

Inissiat nammineq pigisat pillugit Inatsisartut peqqussutaat

Kalaallit Nunaanni inissianik pilersuineq, inissialiortiternermut tapersiissuteqartarneq, inissianik attartortitsisarneq il.il. pillugit inatsimmi nr. 944-mi decembarip 23-anni 1986-imeersumi § 1 naapertorlugu aalajangersarneqarpoq:

§ 1. Peqqussut manna inissianut, immikkut pigineqartunut (inissiat nammineq pigisat) atuutsinneqarpoq.

§ 2. Inissiat nammineq pigisat taamaallaat illuni, ataatsimut isigalugu inissianut nammineq pigisanut agguarneqartuni pilersinneqarsinnaapput.

Imm. 2. Inissiat nammineq pigisat tamarmik immikkut illutut pigisatut immikkoortutut isigineqassapput.

§ 3. Inissiamik nammineq pigisamik piginnittoq inissianik piginnittut allat peqatigalugit agguaqatigiisitsineq brøkitut aalajangersarneqarsimasoq naapertorlugu pisattanut aammalu atortunut assigisaannullu ataatsimoorussanut piginnittuussaataapput. Agguaqatigiisitsinissamik aalajangersaasoqarsimanngippat inissiat naligiittut inissisimassapput.

Imm. 2. Inissiamut nammineq pigisamut piginnittup, piginnittunut tamarmiusunut ataatsimoorfiusumut (piginnittut peqatigiiffiannut) ilaasup pisinnaatitaaffisa pisussaaffisalu assingi atuutsinneqarput.

Imm. 3. Pisinnaatitaaffit pisussaaffillu imm. 1-imi aamma 2-mi taaneqartut inissiamik nammineq pigisamik piginnittuusinnaatitaanermut immikkoortinneqarsinnaanngillat.

§ 4. Ataatsimut aningaasartuutit, taakkununga ilanngullugit sillimmasiineranut akiliutinut allaffissornermullu aammalu pisattanik ataatsimorussanik atortunillu aserfallatsaaliuineranut aningaasartuutit § 3, imm. 1-imi agguaqatigiisitsinissaq taaneqartoq malillugu piginnittut ataasiakkaat akilertassavaat.

Imm. 2. Piginnittup inissiami nammineq pigisamini iliuuserisai aningaasartuutit imm. 1-imi taaneqartut annertusinerinik kinguneqarpata, piginnittup aningaasartuutaanerusussat akilertussaavai.

Imm. 3. Imm. 1 aamma 2 naapertorlugit piginnittut peqatigiiffiata ilaasortanut ataasiakkaanut piumasaqaataanut qularnaveeqqutitut inissiani nammineq pigisani tamani tammarnaveeqqusiineranut uppernarsaammik piginnittut peqatigiiffiannut sanasoqassaaq, taannalu qularnaveeqqusiinermit pingaarnertut nalunaarsorneqassaaq. Tammarnaveeqqusiineranut uppernarsaatip oqaasertai peqatigiiffiup pisussaaffinut naleqquttuussapput.

§ 5. Piginnittup piginnittut peqatigiiffiat taassumaluunniit sinniisua pisariaqartillugu inissiamut isersinnaatissavaa, tassunga ilanngullugit misissuinissaq iluarsaassinissarlu eqqarsaatigalugit.

§ 6. Piginnittut peqatigiiffiat malittarisassanik ilanngussaq 1-imut naapertuuttumik ilusilersorneqarsinnaasunik piginnittut peqatigiiffianni aqutsisut, naatsorsuutininik saqqummiussisarneq, kingumut misissuisarneq il. il. pillugit aalajangersaasinnaavoq. Piginnittut peqatigiiffiat malittarisassanik aalajangersaasimanngippat nalunaarsuisimanngippallu ilanngussaq 1-imi malittarisassanut tunngavissat atuutissapput.

Imm. 2. Piginnittut peqatigiiffiat illumi affarleriimmi inissianik marlunnik pigisaqartoq malittarisassanik ilanngussaq 2-mut naapertuuttumik ilusilersorneqarsinnaasunik piginnittut peqatigiiffianni aqutsisut, naatsorsuutininik saqqummiussisarneq, kingumut misissuisarneq il. il. pillugit aalajangersaasinnaavoq.

§ 7. Piginnittut peqatigiiffiat torersaarnissamut maleruagassanik sukumiisunik, ilanngussaq 3 naapertorlugu ilusilersorneqarsinnaasunik aalajangersaasinnaapput. Piginnittut peqatigiiffiat torersaarnissamut maleruagassanik aalajangersaasimanngippat ilanngussaq 3-mi torersaarnissamut maleruagassanut tunngavissat atuutissapput.

§ 8. Piginnittoq piginnittut peqatigiiffiannut tassaniluunniit ilaasortaasut tungaannut sakkortuumik imaluunniit akulikitsumik § 3, imm. 2 naapertorlugu pisussaaffimminik sumiginnaasarsimappat, tamatuma pinerata kingunitsianngua piginnittut peqatigiiffiata piginnittoq pissutsinik iluarseeqqullugu allakkatigut peqqussavaa. Piginnittup peqquneqarnini naalanngippagu, piginnittut peqatigiiffiata naleqquttumik siumut piffissaliilluni ilisimatitsinikkut piginnittoq inissiamit nammineq pigisaminit nooqqusinnaavaa. Taamatuttaaq attartortoq inissiamik nammineq pigisamik piginnittumiit attartorsimasooq pineqassaaq. *Imm. 2.* Piginnittoq naleqquttumik siumut piffissaliilluni ilisimatinneqareerluni inissiamit nammineq pigisaminit aninngippat, piginnittoq pineqaatissiinikkut anisinneqarsinnaavoq. Taamatuttaaq attartortoq inissiamik nammineq pigisamik piginnittumiit attartorsimasooq pineqassaaq.

§ 9. Inissiamik nammineq pigisamik allamut tunniussinermi, isumaqatigiissutip atsiorneqannginnerani tunniussisup inissiamik pisisooq inissiami nammineq pigisami piginnittullu peqatigiiffianni aningaasalersuineq ingerlatsinermullu aningaasartuutit inissititernerat pillugit ilisimatissavaa, kiisalu inissianik nammineq pigisanik nutaanik tunniussinermi sananermi aningaasartuutaasut naatsorsornerinik saqqummiussivigissallugu.

§ 10. Inatsisartut peqqussutaat 1. juli 2007-imi atuutilerpoq.

Imm. 2. Piginnittut peqatigiiffiat inissiat marluk sinnerlugit pigisaqartoq, 1. juli 2007-imi atuutilereersimasooq piginnittut peqatigiiffianni malittarisassanik aalajangersaasimanngippat nalunaarsuisimanngippallu, imaluunniit illuummi torersaarnissamut malittarisassanik aalajangersaasimanngippat 1. juli 2008-p kingorna §§ 6 aamma 7 piginnittut peqatigiiffiitut taakkununga atuutissaaq.

Imm. 3. Piginnittut peqatigiiffiat illumi affarleriimmi inissianik marlunnik pigisaqartoq, 1. juli 2007-imi atuutilereersimasooq illuummi torersaarnissamut malittarisassanik aalajangersaasimanngippat 1. juli 2008-p kingorna § 7 piginnittut peqatigiiffiitut taakkununga atuutissaaq.

Namminersornerullutik Oqartussat, ulloq 7. maj 2007

Hans Enoksen

/

Kim Kielsen

Ilanngussaq 1

Ilanngussaq 2

Ilanngussaq 3

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut